



22. januar 2007

Inatsisartut Suleriaasissaanni § 36 imm. 1 naapertorlugu apeqqutit uku Naalackersuisunut apeqqutigaaakka:

**Naalackersuisunut apeqqutit Naalackersuisut imermik pilersuinnermut politikkiat pillugu.**

(Inatsisartuni ilaasortaq Lene Knüppel, Demokraatit)

**Pissutigisaq:**

Malugisimavara ukioq kaajallallugu inigineqartunik suli illoqarmat imilerneqarsimannngitsunik, imeq tankinut dunkinulluunniit immiullugu inuinit aanneqartarluni imaluunniit namminneerlutik dunkit atorlugit imertartarlutik. Ilimagaara Naalackersuisut uattulli takujuminartutut isumaqarfigis-sannngikkaat innuttaasut kalaallit ilai suli peqqissaanissamut atortoq taama tunngaviutigisoq imeq kuuginnartoq atortarsinnaannginnamikku.

Tamatuma saniatigut isumaga naapertorlugu aamma peqqinnissap tungaaniit tamanna qimerloorne-qassaaq. Imermik kuuginnartumik atuisinnaaneq peqqissaanissamullu atortut nalinginnaasut aamma qularnannngitsumik napparsimanaveersaarnissamik siunertamut iluaqutaasinnaapput, tassa inuttut aamma ineqarnikkut eqqiluisaarneq pitsaanerusoq nappaatit siaruarnissaannut annikillisisin-naammat, tassani assersuutitut ilanngussinnaavarput sakiallunneq.

Qulaani eqqarsaatigineqartut Naalackersuisunut ataani allassimasunik apeqquteqarnissannut periar-fissippaanga:

1. Naalackersuisut nalunaarsuuteqarnerlutik illut ukioq kaajallallugu inigineqartut imilerneqar-simannngitsut imaluunniit tassunga taarsiullugu tankimik imiisivimmik pilerneqarsimasut qanoq amerlatiginerinik? Ajornanngippat nalunaarsuutit taakku skemamut ikkussorlugit piu-mavakka illoqarfiit nunaqarfiillu immikkoortiterlugit. Ilimagisap akkerlianik paasisutissat taakku pigineqanngippata paasisinneqarusuppunga Naalackersuisut nalunaarsuutit taamaat-tut pissarsiarinissat naleqqutsinnginneraat inuiaat peqqinnissaannik suliniarnerup tulluar-sarnissaa siunertaralugu?
2. Agguaqatigiissillugit pilersitsinermi aningaasartuutit qanoq amerlatigisut Naalackersuisut najugalinnut ataasiakkaanut kinguneqassangatippaat piffinni ullumikkut imermik kuugin-nartumik atuiffiunngitsuni, ruujorinik erngup aqquutissaanik imaluunniit tankinik imiisivin-nik illunut ataasiakkaanut pilersitsigaanni?
3. Siunissaq ungasinnerusoq eqqarsaatigalugu Naalackersuisut iluanaarutaasinnaasutut attatiin-arneqarsinnaasutullu isiginerlugu imermik pilersuinnermik pissutsit allannngortinnginnissai aalajangiusimaannassallugit piffinni ullumikkut imermik kuuginnartumik atuiffiusinnaann-gitsuni?



4. Naalackersuisut imermik pilersuinissamut politikkimik maannakkut saqqumisumik oqaasertaliorsimanerlutik piffinni, tassa illoqarfinni nunaqarfinnilu naammattunik taseqanngitsuni imermik aqquersuinissaq imaluunniit imiisivinnik tankiliinissaq illunut ukioq kaajallallugu inigineqartartunut atugassamik? Tassunga atatillugu paasisinneqarnarpoq nalunaarusiap "Kalaallit Nunaata imermik pilersorneqarnera" 2003-meersup Naalackersuisut suliniutinik sunik aallartisisissimanerai imermik pilersuineq eqqarsaatigalugu.
5. Naalackersuisut tulluartutut isiginerlugu Inatsisartut imermik pilersuineq pillugu naliliinerat piniassallugu apeqquteqaateqarluni oqallinikkut imaluunniit imermik pilersuineramik politik-kikkut nalunaajaateqarnikkut? Tamanna assigiimmik akeqartitsinerup allangortinneranut naleqqiullugu.
6. Suut Naalackersuisut anguniakkatut pingaernerutippaat imissaqarniarnikkut sanaartornernut aningaasaliinissat pillugit?
7. Paasisinneqarnarpoq Nukissiorfiit ullumikkut qanoq pingaarnersiuisarnersut pitsanngorsaa-nerit, nutaanik pilersitsinerit aamma imermik pilersuiviit aserfallatsaalineqarnerisa akornan-ni erngup aqqutai tamanut sammisut ilanngullugit?
8. Aallarniininni isumaga oqaatigisara napparsimanaveersaarnissap kiisalu imermik minguitsu-mik naammattumik atuisinnaalernissap ataqatigiinnerat Naalackersuisut isumaqatiginer-lugu? Taamaassimappat nassuerneq tamanna Naalackersuisut politikkianni sukkorpiaq qa-norpiarlu atulersinneqarsimanersoq paasisinneqarnarpoq.
9. Naalackersuisut allanik paasissutissiisinaanerlutik imermik pilersuinerami politikikkut an-guniakkat pingaernerit pillugit?

Inussiarnersumik allakkiap matumap tiguneraniit ullut 14 qaangiutsinnagit akeqquneqarpoq.